

Վարչական տույժ նշանակելու մասին

«03» մայիսի 2021թ

ք. Սիսիան

Ես՝ ՀՀ ՊԵԿ Հարավային մաքսատուն-վարչության պետ Հայկ Միրզոյանս, ուսումնասիրելով ՀՀ քաղաքացի Հայկազ Սարգսի Վարդանյանի (ք.Երևան, Կենտրոն, Արհեստավորների 2-րդ փողոց, տուն 86, անձնագիրը՝ AT0450014) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

ՀՀ քաղաքացի Հայկազ Սարգսի Վարդանյանը 18.11.2020 թվականին թիվ 05100041/181120/0032750 տարանցման հայտարարագրով Մեղրիի մաքսային կետ-բաժնով իր կողմից ՀՀ ներմուծված 346 կգ բրուտո քաշով ապրանքը սահմանված ժամկետում չի հասցրել նշանակման մաքսային մարմին՝ Արարատյան մաքսատուն-վարչություն:

Նշված փաստի առթիվ ՀՀ ՊԵԿ Հարավային մաքսատուն-վարչության ավագ մաքսային տեսուչ-իրավաբանի կողմից 02.04.2021 թվականին հարուցվել է մաքսային կանոնների խախտման վերաբերյալ վարույթ՝ ՀՀ մաքսային օրենսգրքի 195-րդ հոդվածի հատկանիշներով, այն է՝ Հայաստանի Հանրապետության մեկ մաքսային մարմնից մյուս մաքսային մարմնի մաքսային հսկողության ներքո գտնվող ապրանքները կամ տրանսպորտային միջոցները և ուղեկցող փաստաթղթերը սահմանված ժամկետում չհասցնելը:

ԵՏՄ մաքսային օրենսգրքի 150-րդ հոդվածի 1-ին մասի 1-ին կետի համաձայն.

«Մաքսային տարանցում» մաքսային ընթացակարգին համապատասխան ապրանքների փոխադրման (տրանսպորտային փոխադրման) ժամանակ փոխադրողը, անկախ այդ մաքսային ընթացակարգով ձևակերպված ապրանքների հայտարարատուն լինելու հանգամանքից, պարտավոր է՝ ուղարկող մաքսային մարմնի կողմից սահմանված ժամկետում ապրանքներն ու դրանց փաստաթղթերը հասցնել ապրանքների առաքման վայր՝ հետևելով ապրանքների փոխադրման (տրանսպորտային փոխադրման) սահմանված երթուղուն, եթե այդպիսին սահմանված է:

ՀՀ մաքսային օրենսգրքի 189-րդ հոդվածի համաձայն՝ մաքսային խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

Վարչական վարույթը պատշաճ իրականացնելու նպատակով հարցումներ են կատարվել ՀՀ Ոստիկանության անձնագրային և վիզաների վարչությանը Հայկազ Սարգսի Վարդանյանի վերջին բնակության և հաշվառման վայրերի մասին տեղեկատվություն ստանալու նպատակով և ՀՀ Կադաստրի կոմիտե Հայկազ Սարգսի Վարդանյանի անվամբ ՀՀ-ում գրանցված գույքի վերաբերյալ տեղեկատվություն ստանալու նպատակով:

ՀՀ Ոստիկանության անձնագրային և վիզաների վարչությունից ստացվել է տեղեկատվություն առ այն, որ 17.11.1998 թվականին Հայկազ Սարգսի Վարդանյանը հաշվառվել է ք.Երևան, Կենտրոն, Արհեստավորների 2-րդ փողոց, տուն 86 հասցեում:

ՀՀ Կադաստրի կոմիտեից ստացվել է տեղեկատվություն առ այն, որ Հայկազ Սարգսի Վարդանյանի անվամբ ՀՀ տարածքում անշարժ գույքի նկատմամբ սեփականության իրավունքի պետական գրանցում կատարված չէ:

ք.Երևան, Կենտրոն, Արհեստավորների 2-րդ փողոց, տուն 86 հասցեին ուղարկված ծրարը փոստային ծառայության կողմից չի հաջողվել հանձնել Հայկազ Սարգսի Վարդանյանին, որը հավաստվում է առաքանու վերաբերյալ <https://haypost.am> կայքից տպված փաստաթղթով:

29.04.2021 թվականին թիվ Ն/23.1/71831-2021 գրությամբ հարցում է կատարվել ՀՀ ՊԵԿ Ներքին անվտանգության վարչություն՝ Հայկազ Սարգսի Վարդանյանի սահմանահատումների պատմությունը ստանալու նպատակով:

03.05.2021 թվականի թիվ Ն/2-3/73778-2021 գրությամբ ՀՀ ՊԵԿ Ներքին անվտանգության վարչությունը պատասխանել է, որ Հայկազ Սարգսի Վարդանյանը

01.04.2021 թվականին դուրս է եկել ՀՀ-ից:

ՀՀ Մաքսային օրենսգրքի 219-րդ հոդվածի 2-րդ մասի համաձայն.

Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Վարչական վարույթի նյութերի ուսումնասիրությունից պարզվում է, որ ՀՀ քաղաքացի Հայկազ Սարգսի Վարդանյանը սահմանված ժամկետում Հայաստանի Հանրապետության մեկ մաքսային մարմնից մյուս մաքսային մարմնի մաքսային հսկողության ներքո գտնվող ապրանքները կամ տրանսպորտային միջոցը և ուղեկցող փաստաթղթերը չի ներկայացրել մաքսային մարմիններին:

Ելնելով վերոգրյալից և ղեկավարվելով ՀՀ մաքսային օրենսգրքի 195-րդ, 206-րդ, 219-րդ, 221-րդ հոդվածի 1-ին կետի ա) ենթակետով և ՀՀ վարչական իրավախախտումների վերաբերյալ օրենսգրքի 32-րդ ու 234-րդ հոդվածներով,

Ո Ր Ո Շ Ե Ց Ի


1. Հայկազ Սարգսի Վարդանյանին ՀՀ մաքսային օրենսգրքի 195-րդ հոդվածով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **100 000 ՀՀ դրամ**:

2. Որոշման մասին հայտնել Հայկազ Սարգսի Վարդանյանին:

3. ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ մաքսային օրենսգրքի 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) որոշումը կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված տուգանքի վճարման հաշվեհամարն է. **900005024055՝ 100000 ՀՀ դրամ, նշել 30 կողմ:**

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



ՀԱՅԿ ՄԻՐԶՈՅԱՆ